

Proposition

ASTROLOGIQUE,

& pronosticatiō naturelle de L'incōparable
Docteur Astrologue Ioan. Indagine Alemā:
traduicte nouuellemēt en Francoiſ. Dont vn
chascū pourra ſcauoir des ſa natiuite, ce que
neceſſairemēt par la verſation du Soleil,
ou degre de ſon heure natalitie luy
eſt enioinēt: ſans aucune
ſuperſtition.



Imprime a Paris chez Nicolas Buffet demeu-
rant en la Rue d'Eſcoce pres le College
de Reims.

1545.





Antoine des

GOIS AV LECTEUR



Ay voulu trāsflater a ton profit, amy Lecteur, les dignites des faces Astrologiques d'un chascū signe par les degres, a la cōggression du Soleil ou Zodiaq; aultremēt dit Signifere, a cause que c'est vne partie du ciel diuisee en douze aultres parties, lesq̃lles Firmic⁹ Mānilius, Plinē & les aultres Astronomes appellent signes : duquel la longueur est de trois cens & soixante parties, la latitude de douze. Et de ce Zodiaque le Soleil n'est iamais diuagant, ains son discours est parvne ligne que les Grecz appellent *oelipticon*, nous l'appellons la voye du Soleil, situee au milieu des signes du Zodiaque. Lequel Zodiaque est oblique ou tortu par deux raisons : La premiere affin que les estoilles erratiques (comme disent Aratus & Proclus) resistent mieulx contre le mouuement rapide du dernier ciel. la seconde est que icelles estoilles erratiques ou Planettes, soient aucunes fois vers l'orient, maintenant vers les parties Austrā

les, aultrement il n'y auroit point de viffitude ny commutation des choses tefmoing Ptolomee ne d'hiuer ou d'efte. Car ainfi efcript. Ariftofe, telles conuerfions d'ans & de temps faictes par ce Zodiaque, enſuyuent la generation & corruption des animaux & toutes choses. Mais pour reduire la noſtre deſcriptiō au propos: Voluntier iay vſe de telle digreſſion, pour monſtrer la cauſe dont par laquelle le commencement du Zodiaque eſt Aries, & du printemps: dont le plogue ſera tel ſelon Iulius Maternus. Il y a quatre lieux en ce trait Zodiaque, duquel par le milieu eſt touſiours vagant le Soleil, leſquelz ſont en ſoy oppoſites: & quand le Soleil vient en celuy qui eſt leue vers ſeptentrion, le plus prochain de la terre que nous habitons, lors comme de la pl⁹ haulte partie du ciel, il excite grandes chaleurs: & pourtant quil eſt neceſſaire la chaleur genitale eſtre moderee, ce lieu ſeptentrional n'eſt apte ou idoine a la procreation des choses, ny auſſy ſon lieu oppoſite qui eſt Auſtral, retirant le Soleil de nous obliquement es parties loingtaines, dont eſt faict que grandes froidures enſuyuent. Les autres deux lieux, combien qu'ilz deuſent le monde en deux parties eſgales, & ſoient diſtantz de nous d'une eſgalle eſpace: Toutefois lun eſt tē

Ant du sec au froid, plustost a la mort qu'a generation, mais mais l'autre lieu qui tēpere l'humide par chaleur, sera doncques apte a la generation & pcreation des choses. Parquoy nous voyons icelle ptonention estre au temps que le

Soleil est entre en ce signe Aries chaud
& humide, au mois de Mars.

duquel mois l'Astrol-
gue naturel a com-
mence sa pro-
phetie ge-
nethlia-
que.

A iij

Prolo-



Prologue.



Comme que nous ayons delibere d'instruire es discipline Astrologiques les studieux & amateurs de nature, & qu'il y ayt maintes choses, lesquelles a cest effect se doibuent obseruer apres auoir entëdu la situatiõ des dimënsions celestes, & les iugemëns des horoscopes, c'est a dire de l'astre, lequel au mouuement que no^r naissõs resourd par la cõuerstiõ du ciel: quasi l'heure natalitie q^e les Grecs appellët *thema* & *genesis*. Toutefois il reste maintenant que nous traitons des faces, es quelles les signes celestes sõt diuises en faces, quelles efficace vn chascun d'eulx ha en icelles faces, pour plus facilement deuenir a ceste prenotion & notation pronosticque. car le Soleil & les aultres Planetes ont es dictes faces diuerses operation & efficace, & iceulx signes en ces trois parties ou faces diuises, exercët leurs vertus aultremët en la premiere, qu'ilz ne font en la secõde, & en la secõde qu'en la tierce. Mais a celle fin que tu l'en tēdes, il est a noter qu'il y a au Zodiaque douze parties qu'on appelle signes, autant que de mois en l'an, & dedans vn chascun signe le Soleil

P R O N O S T I C A T I O N. 7

diuerſe par l'efpace d'un mois, aſſeuerer quād
il aſcēd des parties Australes, & entre en Arics,
qui eſt au mois de Mars: illec eſt voſtiſant tout
le tēps d'iceluy mois, puis apres entre au ſigne
de Taurus, ou il eſt tout le mois d'Apuril. Ain
ſi du cours du Soleil par les aultres ſignes d'un
chaſcun mois ſuyuant, Dont le ſigne cōme A-
ries en Mars, Taur⁹ en Apuril, Gemini en may,
& c. & vnchaſcun ſigne eſt diuiſe en trente de-
gres, & ces trente degres ſe partiſſēt en trois par-
ties ou faces. La premiere face ou partie aura
dix degres, la ſeconde aultres dix, la tierce au-
tant: ainſy eſt le ſigne d'unchaſcun mois parti,
ou iceluy mois diuiſe en trois faces, qui ne repu-
gne grandement a la diuiſion de ſon ſigne.

Cecy des partiſiōs de to⁹ les ſignes du Zodia-
que & mois, nous l'auons annote de Abraham,
Haly, Alcabitius, Firmico. Et portāt, apres ces
choſes deſſus prenarrees, nous viendrons a pro-
noſticquer du ſigne d'Arics.

Mais auāt toutes choſes, il eſt a noter quē le
Soleil diuerſe en vn ſeul ſigne tout le mois du-
rāt ou chaſcū iour du mois paſſe & meſure vn
degre, car le mois ou ſigne ha trēte degres. Puis
iceulx trente paſſes le Soleil entre en vn autre
ſigne, & c. Et fault entēdre que les dix premiers
degres, ou les dix premiers iour du ſigne, ſont
dictz la premiere face, & c. Dont quād le Soleil

4 PRONOSTICATION

est entre en Aries (q est au mois de Mars) lequel est le premier au Zodiaque des douze signes, & qu'il a couru dix degres d'iceluy signe, ou dix iours dedans iceluy mois des son entree, cest la premiere face. L'enfant ne sera communement blôd, & a demy rouffseau, camu, le vêtre gresse & estroict, asses maigre, ayât vn signe au pied gauche ou sus le coulde, & aura plusieurs amis: il hayra le mal, poursuyuât les choses bonnes.

En la secôde face d'Aries, c'est a dire, depuis le 11. degre d'Aries iusques au. 20. ou au. 20 iour. L'êfât ne sera noir, mais icelle noirceur ne sera vicieuse ou îgrate, ains sera tresbelle & ciuile: il sera pareillemēt de cōplexiō attrêpee, ireux, sus piciōneux, fraudulēt, sage, ayât plusieurs ennemis, lesquelz le proufuyrôt iusques a la mort.

De la tierce face d'Aries. L'êfât ne en la tierce face, c'est a dire, dedans les 10. derniers degres d'Aries, sera rouffseau & iaunatre, solitaire, machinât embusches & trahysons, fraudes souuent, & deceptions.

Le Soleil au signe de Taurus
au mois d'Apuril.

L'hōme ne en la premiere face d'iceluy signe de Taurus au mois d'Apuril, sera vain, ayant grādz yeulx, grosses lebures: il sera marque sus le col: veritable & ioyeux a merueilles, & aussy

DE IOAN INDAGINE

le plus, occupe es delices & menus plaisirs.

En la secōde face de Taurus qui est en Aputil, il sera addōne aux choses lasciuies, & a luxure, nō point tāt que celuy qui est ne en la premiere, touteffois vagabonde & muable.

La troiziesme face de Taurus, fait lhōme de froide cōplexion a cause de Saturne, qui posse de ceste derniere face, lequel engēdre douleurs d'aureilles, & de iambes & de ventre.

Quand le Soleil est en Gemini
au mois de May.

Ce signe Gemini fait que ceulx qui sōt nes sous luy ē la premiere face, sont beaulx de corps, & de mediocre stature, de to^mmēbres biē cōposés, signes en la teste, es genoulx, doux, amiables & aussylaborieux, mal fortunes p^r fēmes, & sterils.

De la secōde face. L'homme ne en la seconde face de Gemini, sera de moindre stature que de la premiere, & noir, signe au coulde, es genitoi re mais ce quil a perdu es choses susdictes, il luy est recouurti en eloquence.

De la troiziesme face du signe de Gemini. Celuy q est ne en la .3. face de Gemini, a cause que ledit signe est defaillāt de ses degres, aussi il de^lscroit. touteffois il sera de bōnes meurs, deumēt proportionne en tous les membres, & aucunes fois ce signe fait ses subiectz insenses, folz

B

&

PRONOSTICATION

& disseminateurs de mensonges ou bourdes.

Le Soleil au signe de Cancer en Iuing.

L'homme ne au dixiesme degre de Cancer ou dedans dix iours en Iuing, sera beau, decint de corps & de poilz, aiât petis sourcilz & estroictz & de bon engin, marque au bras dextre & es iâbes: en oultre, il aura bonne & doulce halaine, & sera copieux d'amis.

De la seconde face de Cancer en Iuing.

L'hōme ne en la secōde face, aura les cheueulx iausnes, & sera de petite stature, sans barbe, & marque aux yeulx.

De la troiziesme face du mesme. Celuy de la troiziesme face, c'est a dire, des dix derniers de gres au iour dudit signe, sera de gros esprit & hebe, ayant les sourcilz copieux de poil, prurigineux en la face, comme s'il estoit atteint de quelque vent ou ensouffle.

Le Soleil au signe de Leo au
mois de Iuillet

Leo en sa premiere face fait ceulx [qui sont] nes soub luy, de corps venuste & beau, tainctz en la face de couleur rouge avec vn bien peu de blâcheur, & ont les yeulx varies en couleurs & diuers, droictz de corps: mais es piedz mal sains, principalement en leur vieillesse, renōmes par leurs grâdz & cheualeureux faictz, & bō bruiç de plusieurs, simples, mais aymes des Princes &

DE IOAN. INDAGINE.

Royz de la terte.

De la seconde face. L'homme ne en la secōde face du signe de Leo, ha la poictrine large, les testicules & mēbrs greilles, & est fort sage & honorable.

De la troiziesme face de Leo. Qui est ne en la troiziesme face du signe de Leo, il sera de courte stature, de couleur vermeille meslee avec blancheur, & sera subiect a maintes maladies, puis scortateur, & amateur de femmes,

Le Soleil au signe de Virgo
au mois d'Aoust.

Quād Virgo possede la premiere face, c'est a dire, dix iours ou degres du mois de Aoust, que le Soleil est entre, fait que l'homme ne sus la face premiere, est de grande & procere stature, de belle face, scauant, argut, prudent, les cheveux crespes, aorne trop curieusement, maistrugateur, aiāt bonne voix & argure, induit en plusieurs ars, ce neautmoins steril & infecund.

De la 2. face de Virgo en Aoust. Celuy qui est ne en la seconde face de Virgo, il est de tresbelle stature, ou visage, il ha des petis yeulx, vn beau nez, il est homme religieux, docte, de vie prouue, entier, mais il est couuoiteur de gloire.

Des dix derniers degres de la 3. face.

La troiziesme face fait l'homme simple, beau docile, aiant bon sens, prudent, & bon.

Le Soleil au signe de Libra de Septembre.

Libra signe zodiaque & humain, fait que celuy qui est ne sous luy, est de belle face, simple, laborieux, modeste, mais il pourra estre quelque fois bleſſe en la teste.

De la .2. face de Libra. Le ne en la secõde face de Libra, sera peillement de face belle, tousiours il aura les yeulx chacieux, & ouuerts a cemy, & pourront quelquefois estre vitieux.

De la troiziesme de Libra. L homme ne en la troiziesme face de Libra, sera notable, honore, beau, a la fin il ne sera de nul, ou certes des deux sexes, & quil se garde destre empoisonne.

Le Soleil au signe de scorpion
au mois d'Octobre:

Quãd le soleil est au signe Scoriõ en la pmie reface, il fait celuy q alhors est ne difforme, signe en la teste ou sus les espaulles, ou bras ou pied senestre, & sera de poitrine large, fort plaſât a dire mot de gueulle, sobre & discret.

De la deuziesme face du scorpion, il sera grand babillart, marque es genoulx ou au dos.

De la .3. face de scorpion. Qui y est ne, aura petite stature, les yeulx tortz, sera grand mägeur, gourmand & paillard.

Le Soleil au signe du Sagitaire
au mois de Novembre.

Le Sagitaire en la premiere face ou es dix
premiers

DE IOAN: INDAGINE. 43

premiers iours dudi^t signe, fait lhōme beau a veoir, de grāde stature, & sera courtisan, & studieux des choses bonnes.

De la.2.face. Lhōme ne dedās les aultres dix degres de la 2.face, sera de stature decēte, de be au aspect, de couleur blonde: il aura les souceils des yeulx espars, & vn signe en la poi^{tr}ine.

De la.3.face. Qui est ne en la tierce face du Sagitaire, sera de haulte stature, beau, & de haulte & large poi^{tr}ine, marque en icelle, & au pied.

Le Soleil au signe de Capricorne
au mois de Decembre.

Le Soleil en la premiere face de Capricornus qui est es dix premiers degres en Decēbre, fait celuy qui est ne soubz luy, de poitral ample, tendre, & de stature competant & mediocre: toutesfois aucunement noir ou beau, & sera marque au coulde, ou en la poi^{tr}ine,

De la seconde face, Lhomme ne en la seconde face de Capricorne, sera beau & signe au bras gauche, & si sa nativite est nocturne, il sera malicieux, ayāt les narines lōgues, & agut d'esprit.

De la.3.face. La.3.face fait lhōe beau de corps & de face citrine, ou de couleur de citron & sera marque au bras, ou sus le genoulx: aussi sera il iracūde, cholere, amiables & amateur des fēes
Le Soleil au signe d'Aquari⁹ au mois de Iāuier.

PRONOSTICATION

Le Soleil en la premiere face d'Aquarius fait l'homme ayant vn signe en la poitrine, ou au pied gauche, il sera bening, affable & traitable enuets les hommes.

De la secoude face, L'homme ne en la seconde face, sera long de corps, rouge en la face, signe au dos, ou au coulde: subiect a plusieurs & diuerses maiadies.

De la tierce face d'Aquarius. Celuy qui est ne e la troiziesme face, sera lhors de petite stature & de face vermeille: marque soubz le coulde, a mateur des dames: mais celuy qui sera ne au dernier degre, iceluy dernier degre le fera dispositione de corps, & en tous ses actes dissemblable.

Le Soleil au signe de Pisces
en Feburier.

Le signe de Pisces en la premiere face que l'edit les dix premiers iours ou degres, fait les hommes de corps molz, blancz, la poitrine ample, & la barbe decente, de front beaulx & de taict cler & net, les yeulx ouuerts, appareiz & beaulx charneux & honnestes.

La 2. face du signe de Pisces, fait l'homme de petite stature, egalle, la barbe noire, vn bien peu velu, agile & ioyeux.

De la 3. face. Ceste derniere face du signe de Pisces, fait lhōme ne alhors beau & venuste en tous ses mēbres, ayant bonne voix, & honore.

*Ce Periaxioma & proposition des faces Astrologiques
 j'ay voulu demonstrier a cause de la uerite naturelle qu'il
 contient, & pour la dignite & excellence
 du soleil, qui est (comme dit Aristo
 te) le seul cueur du ciel: dont
 pourras asseuremēt pro
 nostiquer des ho-
 roscoptes, suyuant
 nature.*

FIN.



